



Buukulo Koshshaa

Leveled



Wolayttatto Doona



Ha gujo nabbabo maxaafay Yuu Essi Eyidiyappe (USAID) beettida miishshaa maaduwaa Seev Ze Childdirenee (Save the Children), Luxettaa Moconaynne Tohossa Dalgga Manttiya Luxettaa Beeroy issippe hashetin giigidi attamettidaagaa.

2009 M.L.



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.

For more info please refer: <https://creativecommons.org/licenses/>




Buukulo Koshshaa

Kifilee 3

Saaminttay 7

Leveled



Luxissiyageetussi Kaaletuwa

Naati nabbabuwa doommanaappe kase misiliyanne huuphe yohuwa bessidi nabbaboy odiyoba malana mala oychchite. Nabbabi simmidi wurssettan de'iya oyshata zaarana mala oottite.

Nabbabuwappe kasetiya Mali be'o
Oyshaa

Huuphe yohuwanne koohuwa bollan
de'iya misiliya xeelliyo wode ha
nabbaboy ay odanaba milatii?



Buukuloy issi gallassi eessaa koshshaa woraa biis. Eta heeran qassi mattay uttanawu injjetiya mitti baawa. Hegaa gishshawu woray de'iyo heeraa guuran kiyidi biis.

Issi xumaa sikkida woraakko loddan
gakkidi yaa haa xeellyogaa doommiis.
Woraa giddon dumma dumma adussa
mittaynne maatay kumiis. Mittaa
giddon wora mehetikka bessidosona.

Buukuloy mittaaninne wora mehetun
maalaalettiiddi giddo geliyogaa
doommiis. Koyin koyin matta giyobi
beettennan ixxin guuttaa shemppanawu
uttiis. I uttido sohuwan qassi dumma
dumma meraara de'iya cora ciishshay
de'eес.

I uttidi xeellishin naa"u mattati yiidi ciishshaa bollan uttidosona. Mattatikka issi ciishshaappe hara ciishshaakko bi biidi suuphoosona. Eta xeellishin Buukulossi issi qofay A wozanan karhi giis.

Buukuloy ba wozanankka, “Aybissi hageeta kaallada biikkinaa? Eti ciishshaappe woommiyogee eessaa oottanaassa gidennee? Eta kaallada biikko eessaakka demmana danddayays,” giidi qoppiis.



“Etadan paallan xayikkokka eti biyo ginaa loyttada xeellana,” giis. “Eti biyo ginaa erikko he ginaara baada koyyana,” giidi ba wozanan qoppiis. Yaatidaagee mattati denddidi baanaa wodiya naagiyogaa doommiis.

Yaanishin mattati loyttidi shiishshi
makkidi denddidi biigidosona.

Buukuloykka eti biyo ginaa shaakkidi
eranawu loyttidi xeelliyyogaa doommiis.

Mattati biyo ginaa wudidi xeelliya
Buukoloy loyttidi shaakkiis.

Mattati assi haddirssa ginaara
paalliiddi biidosona. Buukuloykka
eti biyo ginaakko simmidi aggennan
xeelliis. Yaanishin mattati A ayfiyappe
haakki haakkidi biidi geemmi
aggidosona.

Yaatin Buukuloy eta ginaa oyqqidi baanawu maaciis. Mattati biido ginaara qassi xuntta ogee de'ees. He ogiyara Buukuloy loddan woran maalaalettiiddi biyogaa doommiis.

Hachchi eessa ekkennan soo simmikke giidi eesuwan eesuwan bees. Biishin mittaa giddon aybakko koshoshu giini dagamaa dozhggu giis. Yaa haa xeellin aybikka xayin adussan shemppidi ba ogiya doommiis.




Amarida keenaa biishin wogga shaafay sinttan gayttiis. Yaatin, “Woni taanne waanada matta kaalliyanaa” giidi yiillotiis. Buukuloy kayyottiiddi uttidaashin hefinttan burttukaanee yenddeddaagaa be'iis.

Be'idobay tuma milatennan ixxidoogee
ba ayfiya gorppidi zaarettidi xeelliis.
Zaaretti xeelliyo wodekka ha
yenddeddida burttukaaniya be'iis.
Yaatidaagee ta koyidoy eessaa
demettay qassi burttukaanee!,” giidi
maalaattiis.

Burttukkaaniya matan qassi issi
moqottay daayi uttiis. Ha moqottaa
bollan qassi wogga mattaa koottay
de'ees. Hegaa be'idaagee Buukuloy
keehi ufayttidi miichchaa doommiigiis.

“Wontta mattati yaa biidosona
giyogaa. Taani mattata kaallada
yiidoogan balabeekke giyogaa!” giidi
ginaa eridoogawu ufayttiis. “Ane ha
eessaanne burttukaaniya yuudiyo ogiya
koyyikkinaa,” giis.

Yaatidaagee pudenne duge oge
demmanawu xeelliyogaa doommiis.
Awaarakka mattay de'iyo sohuwa
pinnanawu injjetiya sohoy baawa.
Haattay keehi kumidi goggeesinne
hefinttaykka keehi haaho.



Eessaakkoo Baanawu Guyye Simma

Yaatin Buukuloy koyin koyin pinniyo
sohoy xayin haniyoba xayidi eqqiigiis.
I eqqido sohuwan aybakko qorqqoruwa
bollan xaafetti uttiis. Buukuloy pinniyo
sohoy xayin yiillotidi haniyoba xayidi
ha qorqqoruwa oyqqidi eqqiis. Ha
qorqqoruwa ballan de'iya xuufee
“Eessaakkoo Baanawu Guyye Simma”
gees.

Ay maaddii Buukuloy xaa fettidaba nabbabana danddayenna. Nabbabana danddayennaagaappe denddidaagan xuufiya matan coo giidi eqqiis. I ogiya erennan eqqidaashin sa'aykka qammi qammi biyogaa doommiis.

Haniyobaa xayida Buukuloy wontto yaana giidi qammennan soo simmiyogaa doommiis. Soo gakkidi ba michchee Aykalissi mulebaa odiis. Yaatin Aykalakka aara wontto issippe baanawu maayettaasu.

Buukuloyyoo sa'ay wonttuwa ixxiis. Hara asi biidinne ekkana giidi keehippe hirggiyogaa doommiiis. Wontto yaa efiya ogiya demmanawu Aykaliira guuran baana giidi xiskkuwa xayidi aqiis.

Sa'ay wonttin Aykaliira zino sohuwan guuraara biidosona. Woraan gidduwara naa"ay issippe cenggurssaa xoqqu oottidi haasayiiddi boosona. Buukuloykka he sohuwa waati demmidaakko Aykalissi zaari zaaridi odees.



Aykala mattaa coo oykkennaagaa erawusu. Coo koottaa mata shiiqikko mattay iita dukkees. Buukuloy waatidi oykkana qoppidaakko oychchana hanishin qaaree guppidi eta sinttan wodhdhiigiis.

Naa"aykka dagamaa poddu giidi
hemettiyogaa aggidi eqqiigidososona.
Naa"aykka issoy issuwa xeellidi
miiccidi bantta ogiya doommidosona.
Eesuwan eesuwan hemettidi zino
sohuwa gakkidosona. Buukuloy mulebaa
yuushshi yuushshi Aykalo bessiis.

Tumu giyogaadan aadhdhiyo sohoy
awaarakka baawa. Hefinttan qassi
burttukaaneenne koottay mittan
kaqetti uttiis. Yaanin naa"aykka
eqqidi qoppishin Aykala qorqqoruwan
xaafettidabaa xeellaasu.

Yaatidaara, “Buukuloo ha
xaafettidaagaa be'adii?” gaasu.
Buukuloykka, “Digga hodde Aykalee!
Hagawu nuuni yiidoy hefintti
pinnanawu gidennee? Hegee neessi
ayssee,” giis.

Aykala, “Hegee baana ginaa
odeesittennee” gaada ufayssan
guppiyogaa doommaasu. Aykala
zaareetta zaarettada nabbabada
Buukulossi odaasu. Buukuloy A giddon
utti pee'idi nabbabana danddayenna
gishshawu soo simmiis.

Meeziya

A. Kaalliya kureta gattidi kumetta
qaalata meddhdhite.

1. maa laa le ttii ddi =
2. xee lli yo gaa =
3. he fin tti =

B. Kaalliya qaalata kuretun shaakkite.

1. pinnanawu
2. hirggiyogaa
3. Guuraara

C. Kaalliya qaalatu someta shaakkite.

1. ogiyara
2. Ciishshaakko
3. qammennan

